

Maoin Eadar-nàiseanta nan Ceithir Nàiseanan: Ceistean Cumanta

A bheil liosta airidheachd ann?

Gus a bhith airidh, feumaidh tagraichean:

- A bhith ochd bliadhna deug a dh'aois no nas sine
- A bhith stèidhichte ann an aon de na ceithir nàiseanan san RA - Sasainn, Èirinn a Tuath, a' Chuimrigh no Alba.
- A bhith nan luchd-cleachdaidh chruthachail ag obair sna gnìomhachasan ealain is cruthachail no mar bhuidheann ag obair sna gnìomhachasan ealain is cruthachail
- Cunntas banca na RA a bhith aca fon ainm fhèin

Agus feumaidh iad:

- Gealltanais dearbhte bho co-dhiù aon chom-pàirtiche ealanta no cruthachail stèidhichte ann an aon de na ceithir nàiseanan eile - Sasainn, Èirinn a Tuath, a' Chuimrigh no Alba (faodaidh seo a bhith mar neach fa leth no buidheann)
agus
- Gealltanais bho chom-pàirtiche eadar-nàiseanta ealanta no cruthachail (faodaidh seo a bhith mar neach fa leth no buidheann). Cuiridh a' mhaoin seo prìomhachas cuideachd air com-pàirteachasan eadar-nàiseanta taobh a-staigh na Roinn Eòrpa.

Dè thathas a' ciallachadh le com-pàirtiche cruthachail eadar-nàiseanta?

Airson na maoin seo, 's e com-pàirtiche cruthachail eadar-nàiseanta

- neach-còmhnaidh nàiseanta nach eil san RA a tha a' fuireach agus an sàs ann an cleachdadh cruthachail ann an dùthaich neo-RA.
- buidheann nach eil clàraichte san RA a tha stèidhichte agus an sàs ann an cleachdadh cruthachail ann an dùthaich neo-RA

Dè na seòrsaichean chosgaisean a ghabhas taic leis a' mhaoin?

Cìsean Luchd-ealain:

Tha sinn airson a bhith cinnteach gu bheil sibh gad phàigheadh fhèin, is buill an sgioba phròiseict agaibh gu ceart. Feumaidh am pròiseact agaibh cìsean a ghabhail a-steach airson na h-ùine agaibh/aca. Faodaidh cìsean a bhith suas gu 100% de chosgais a' phròiseict agaibh. Thoiribh tuairisgeul air na cìsean ann am buidsead a' phròiseict.

Cosgaisean gnìomhachd ealanta:

Faodaidh iad seo cosgaisean leithid siubhail, còmhdhail, àite-fuirich, per diems, àrachas siubhail, cosgaisean gnìomhachd didseatach is fastadh rumannan ath-aithris is uidheam a ghabhail a-

steach. Faodaidh sibh cosgaisean a ghabhail a-steach leithid eadar-theangachadh is mìneachadh a' phròiseict.

Cosgaisean airson na gnìomhachd agaibh a dhèanamh nas ruigsinniche:

Tha dùil againn gun dèan sibh a' ghnìomhachd agaibh ruigsinneach do dhaoine ciorramach ma tha sibh a' gabhail a-steach chom-pàirtichean agus/no luchd-amhairc eile. Faodaidh sibh cosgaisean a ghabhail a-steach leithid: tuairisgeul-èisteachd; BSL (Cànan-soidhnidh Bhreatainn) agus mìneachadh cànanan-soidhnidh eile, fo-thiotalachadh agus ceann-sgrìobhadh.

Sgrùdadh is luachadh:

Bu chòir fa-near a thoirt an seo do chosgaisean ceangailte ri sgrùdadh a' phròiseict agaibh aig gach prìomh ìre, cho math ri cosgaisean luachaidh sam bith.

Rianachd shònraichte a' phròiseict agus cosgaisean rianachd:

'S urrainn dhuinn beachdachadh air rianachd shònraichte a' phròiseict agus cosgaisean rianachd mura h-eil iad pàighte le maoineachadh eile agus ma tha e follaiseach gu bheil iad barrachdail, agus mura h-eil sibh a' faighinn maoineachadh gu bitheanta bho aon de na comhairlean ealain. Feumaidh sibh a shealltainn dhuinn gun tarraing na cosgaisean fad ùine chuingichte agus gu bheil iad ceangailte gu dìreach ris a' phròiseact agaibh.

Dè na seòrsaichean chosgaisean nach gabh taic leis a' mhaoin?

Thoiribh sùil air stiùireadh na maoin airson fiosrachadh mu na cosgaisean dha nach urrainn dhuinn taic a thoirt. (Duilleag XX)

Dè th' ann an Cosgaisean Inntigidh?

'S e cosgaisean inntigidh cosgaisean neo-ealanta a tha ag amas air bacaidhean com-pàirteachaidh a thoirt air falbh dhuibh fhèin, do chuideigin leis a bheil sibh ag obair no a tha sibh a' fastadh, no do chom-pàirtichean no luchd-amhairc a bhios a' gabhail ùidh anns a' phròiseact no gnìomhachd agaibh. 'S urrainn dhuinn taic a thoirt a phàigheadh cosgaisean taic inntigidh dhuibh fhèin, no do dhuine sam bith an sàs gu dìreach ann an leasachadh is libhrigeadh a' phròiseict. Dh'fhaodadh iad seo a ghabhail a-steach cosgaisean eadar-theangair cànan-shoidhnidh, cosgaisean geàrr-chlò-sgrìobhaiche, obraichean-taice, uidheam no bathar-bog speisealach.

Anns a' bhuidsead agaibh thoiribh tuairisgeul air na cosgaisean inntigidh, mar eisimpleir:
Obraiche-taice: £ gach latha, X làithean.

Tha an t-suim seo air leth bhon t-suim dha bheil sibh a' tagradh gus am pròiseact a libhrigeadh. Cuirear an t-suim seo ri iarrtas iomlan an tabhartais.

Bu chòir cosgaisean eadar-theangachaidh eile, mar eisimpleir bhon Chuimris gu Beurla no Beurla dhan Ghearmailtis, a bhith air an gabhail a-steach taobh a-staigh prìomh chosgaisean a' phròiseict.

Dè seòrsa gnìomhachd dhan gabh a' mhaoin a chleachdadh?

Faodaidh tagraidhean a bhith airson gnìomhachd phearsanta, dhidseatach no thar-chinealach (measgachadh den dà chuid pearsanta is didseatach). Faodaidh a’ ghnìomhachd iomlaidean, muinntireasan, leasachadh com-pàirteachais, co-chruthachadh is lionrachadh a ghabhail a-steach.

Dh’fhaodadh a’ ghnìomhachd aon no barrachd de na leanas a ghabhail a-steach:

- Leasachadh cleachdaidh ealanta le bhith ag obair air feadh na RA agus gu h-eadar-nàiseanta
- Co-obrachadh còmhla ri luchd-ealain, luchd-cleachdaidh cruthachail agus buidhnean air feadh na RA agus gu h-eadar-nàiseanta
- Leasachadh tràth-dhàimhean le luchd-ealain, luchd-cleachdaidh cruthachail agus buidhnean le sealladh san fhad-ùine de leasachadh mhargaidhean is luchd-amhairc air feadh na RA agus gu h-eadar-nàiseanta airson obair is a’ togail ìomhaigh gu h-eadar-nàiseanta
- Iomlaid de phrìomh dhaoine cruthachail gus beachdan no dàimhean ùra a leasachadh

Cuiribh fios air ar sgioba fiosrachaidh nam bu toigh leibh beachdachadh air a bheil a’ ghnìomhachd a tha san amharc agaibh freagarrach dhan mhaoin.

An urrainn dhuinn tagradh a chur ma tha sinn nar co-bhuidheann luchd-ealain no nar lìonra?

Gabhaidh sinn ri tagraidhean bho cho-bhuidhnean luchd-ealain is lìonraichean foirmeil is neo-foirmeil. Dhan fheadhainn nach eil ann an co-shuidheachadh foirmeil, feumaidh aon neach-ealain no neach-cleachdaidh cruthachail a bhith mar am prìomh thagraiche air am bheil uallach aithrisidh is ionmhasail.

Ciamar a chuireas com-pàirtichean comhairlean ealain nan ceithir nàiseanan taic ris a’ phrògram?

Bidh oifigearan bho Alba Chruthachail, Arts Councils Northern Ireland and England agus a’ bhuidheann eadar-nàiseanta Wales Arts International aig Arts Council of Wales:

- a’ cur a’ phrògram air adhart gus measgachadh de luchd-ealain ann an raon de sheòrsaichean-ealain, coimhearsnachdan is suidheachaidhean cruinn-eòlach air feadh na RA a bhrosnachadh ri tagradh a chur; agus,
- ag obair dlùth còmhla a’ luachadh a’ phrògram agus a’ togail air an t-soirbheachas dheth.

Cò a bhios a’ measadh an tagraidh agam?

Thèid an tagradh agaibh a sgòradh le dithis mheasadair à sgioba air an tarraing bho Arts Council England, Arts Council Northern Ireland, Arts Council Wales (Wales Arts International) agus Alba Chruthachail. Thèid tabhartasan a cho-dhùnadh an uair sin a rèir nan sgòran le panail riochdairean às na ceithir comhairlean is buidhnean ealain. Bidh stiùireadh na maoine a’ suidheachadh nan slatan-tomhais agus mar a thèid an tagradh agaibh a mheasadh.

Dè seòrsa aithriseachd no luachaidh a bhios a dhìth aig deireadh na gnìomhachd agam?

Bidh feum agaibh air foirm sgrùdaidh deireadh a' phròiseict a lìonadh, còmhla ri grunn cheistean goirid a' buntainn ris a' phròiseact agaibh gus ar cuideachadh le luachadh na maoinne pìleataich seo.

Dè na planaichean a tha ann airson ionnsachadh agus toraidhean na maoinne seo a cho-roinn?

'S e pìleat a th' anns a' mhaoin seo. Bidh aithrisean a gheibhear bho gach pròiseact dhan tug sinn taic a' dèanamh pàirt den luachadh a nì ceithir comhairlean ealain na RA air feum na maoinne agus air ionnsachadh is toraidhean na gnìomhachd dhan tugadh taic. Bidh sinn a' leasachadh chothroman airson ionnsachadh agus an luachadh a cho-roinn

A bheil teansa ann gum faodadh sibh barrachd air £5k a thoirt do phròiseact?

'S e £5,000 an tabhartas as motha a bheirear do chosgaisean pròiseict. Ach, 's ann a bharrachd air seo a bhios cosgaisean inntrigidh dhan toirear taic tron mhaoin seo.

Am faodar neach fa leth no buidheann ainmeachadh mar chom-pàirtiche ann am barrachd air aon tagradh?

Chan fhaod neach fa leth no buidheann a bhith a' stiùireadh ach air aon tagradh, ach thathar comasach ainmeachadh mar chom-pàirtiche air tagraidhean eile.

A bheil àiteachan no dùthchannan air an tèid prìomhachas a chur leis a' mhaoin seo?

'S urrainn dhan mhaoin seo taic a thoirt do ghnìomhachdan le roinn no dùthaich sam bith taobh a-muigh na RA; ach, thèid prìomhachas a chur air gnìomhachd aig a bheil com-pàirtiche no com-pàirtichean anns an Roinn Eòrpa.

An toir sibh na suimean tabhartais a tha tagraichean ag iarraidh, no am faodadh sibh sibh tabhartas nas ìsle a thabhainn?

Ma dh'fhaoidte gum bi mòran co-fharpais ann air a' mhaoin ri fhaighinn agus cha bhi sinn comasach maoinneachadh a thoirt dha na tagraidhean airidh uile a gheibh sinn. Dh'fhaodadh sibh

tabhartas nas ìsle fhaighinn ach bheir sinn fa-near ion-obrachas a' phròiseict ann an co-dhùnadh sam bith gus suim nas ìsle a thoirt seachad.

Nuair a thathas a' dèanamh phàighidhean, ciamar a thèid maoineachadh a thoirt (i. ann an aon phàigheadh no cuibhreannan)?

Aon uair 's gu bheil sibh air ur n-ainm a chur is air an t-lon-ghabhaltas Thabhartais a thilleadh agus gu bheil sinne air ur fiosrachadh is cumhaichean an tabhartais a dhearbhadh, pàighidh sinn an tabhartas slàn. Feumaidh sibh aithris a chur a-steach aig deireadh a' phròiseict agaibh mar chumha bun-thomhasach an tabhartais.

An urrainn dhuibh mo chuideachadh le sireadh chom-pàirtichean airson a' phrògram seo?

Leis gu bheil am pròiseact seo na phìleat, is gu bheil na raointean-ama libhrigidh aige goirid, chan eil e comasach dhuinn rian sìmplidh sam bith a chur air dòigh airson tagraichean a bhith a' lorg chom-pàirtichean. Mar sin tha sinn a' brosnachadh dhaoine an luchd-conaltraidh, ceanglaichean is lìonraidhean aca fhèin a chleachdadh gus beachd pròiseict a chruthachadh airson na maoin seo. Airson com-pàirtichean is co-obrachadh a bhith soirbheachail anns a' chumantas, tha e nas fheàrr ma tha eòlas is tuigse agaibh is aig na com-pàirtichean comasach agaibh ro làimh, gus beachd air pròiseict a chur le chèile a bhiodh co-bhuannachdail do gach com-pàirtiche, ach cuideachd a bhiodh dualtach air amasan a' phròiseict a libhrigeadh.